

UNIVERZITET U SARAJEVU  
ELEKTROTEHNIČKI FAKULTET U SARAJEVU  
Broj: 12-2219/19  
Dana: 24.05.2019

Na osnovu člana 69. stav (1) tačka a) i člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ broj: 39/14), Zapisnika o pregledu i ocjeni ponuda i preporuke Komisije za javne nabavke (br: 12-2193/19 od 23.05.2019. godine) i člana 108. Statuta Univerziteta u Sarajevu, D e k a n Elektrotehničkog fakulteta u Sarajevu, *donio je*

### O D L U K U

o izboru najpovoljnijeg ponuđača u postupku nabavke IKT usluga za potrebe Elektrotehničkog fakulteta u Sarajevu do kraja kalendarske 2019. godine

#### I

Ugovorni organ (Elektrotehnički fakultet u Sarajevu), prihvata preporuku Komisije (br:12-2193/19 od 23.05.2019. godine) za izbor najpovoljnije ponude za pružanje IKT usluga za potrebe Elektrotehničkog fakulteta u Sarajevu do kraja kalendarske 2019. godine- JRN 64200000-8, (usluge pristupa globalnom internetu, usluge bežičnog pristupa internetu i usluge fiksne telefonije), koja se provodi u skladu sa članom 88. Zakona o javnim nabavkama Bosne i Hercegovine ("Službeni glasnik BiH" broj: 39/14), a na osnovu Odluke br: 02-1648/19 od 16.04.2019. godine, te je kao ponuđač izabrana firma "Logosoft" d.o.o. Sarajevo, jer je nakon okončane e-aukcije ponudila najnižu cijenu prihvatljive ponude –2.935,40 KM mjesečno bez PDV-a .

#### II

Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa čl. 71. stav (2) Zakona o javnim nabavkama Bosne i Hercegovine ("Službeni glasnik BiH" broj: 39/14).

### OBRAZLOŽENJE

Elektrotehnički fakultet u Sarajevu je uputio poziv za nabavku usluga - „Pružanje IKT usluga za potrebe Elektrotehničkog fakulteta u Sarajevu do kraja kalendarske 2019. godine“ na više adresa, te istovremeno objavio Obavještenje o nabavci na portalu Agencije za javne nabavke (br: 5714-7-2-29-3-9/19 od 19.04.2019. godine).

Na navedeni poziv prijavila su se ukupno 2 (dva) ponuđača i to:

- 1.“Logosoft” d.o.o. Sarajevo(br. 12-1917/19 od 08.05.2019. godine),
2. “BH Telecom” DD Sarajevo (br. 12-1919/19 od 08.05.2019. godine)

Komisija za javnu nabavku imenovana je Rješenjem dekana Elektrotehničkog fakulteta u Sarajevu (br. 12-1745/19 od 24.04.2019. godine).

Komisija za javnu nabavku dostavila je dekane Zapisnik o pregledu i ocjeni ponuda (br: 12-2193/19 od 23.05.2019. godine) sa prijedlogom za donošenje odluke o izboru najpovoljnijeg ponuđača u postupku javne nabavke - „Pružanje IKT usluga do kraja kalendarske 2019. godine za potrebe Elektrotehničkog fakulteta u Sarajevu“ .

U postupku po Zapisniku o pregledu i ocjeni ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila Zapisnik u kojem je utvrđeno sljedeće:

- ukupan broj pristiglih ponuda je 2 (dva),
- obje ponude su blagovremeno zaprimljene i
- obje pristigle ponude su prihvatljive.

U postupku donošenja ove Odluke, posebno su cijanjene činjenice da je Komisija za javnu nabavku, pravilno i potpuno izvršila ocjenu kvalificiranosti ponuđača kao i ocjenu pristiglih ponuda, u skladu sa kriterijima utvrđenim u Tenderskoj dokumentaciji.

U postupku ocjene provedenog postupka, dekan Elektrotehničkog fakulteta u Sarajevu, nije našao razloge nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku.

U skladu sa navedenim, u postupku je ocijenjeno da je Komisija za javnu nabavku u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima i tenderskom dokumentacijom.

Najpovoljniji ponuđač za pružanje IKT usluga za potrebe Elektrotehničkog fakulteta u Sarajevu do kraja kalendarske 2019. godine je "Logosoft" d.o.o. Sarajevo.

Ponuđač "Logosoft" d.o.o. Sarajevo je izabran primjenjujući kriterij najniža cijena, pri čemu ponuda navedenog ponuđača iznosi 2.935,40 KM mjesečno bez PDV-a.

Drugi ponuđač "BH Telecom" DD Sarajevo, čija je ponuda također prihvatljiva, ponudio je cijenu u iznosu od 3.998,82 KM, čime je utvrđen njegov sukcesivni red.,

Na osnovu naprijed navedenog, a u skladu sa članom 69. stav (1) tačka a) Zakona o javnim nabavkama Bosne i Hercegovine ("Službeni glasnik BiH" broj: 39/14), donijeta je Odluka kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi BiH, putem Elektrotehničkog fakulteta u Sarajevu, najkasnije u roku od 5 (pet) dana od dana prijema ove Odluke, u dovoljnom broju primjeraka, a koji ne može biti manji od tri.



D E K A N

Prof.dr Jasmin Velagić

Prilog: - Zapisnik o pregledu i ocjeni ponuda broj: 12-2193/19 od 23.05.2019 . godine

Dostaviti:

- Ponuđačima
- Služba za tehničku podršku
- Finansijska služba
- Pravna služba
- a/a